

真言一編拋向爐內如是至八百編一日三時作法亦然復誦一切如來烏瑟臘沙最勝惣持離一切病聰明長壽隨所願求無不成就或初八日於幘像前一日三時作護摩法誦此真言一千編增壽千歲不得損害有情恒行布施如是儀軌能降冤家增長智慧得

妙音聲若自不能作法請他令作息除一切諸惡災患

後次成就法如前用五穀作護摩法即誦烏瑟臘沙最勝惣持一洛又作護摩已復誦一洛又能延壽命一洛又至俱胝歲或無量歲騰空自在降伏魔冤若求富貴吉祥如前作

護摩法誦惣持一洛又求得大富貴若求官位用蓮花作護摩一洛又得大官位復有成就劍法用前幘像安於舍利塔前獻千種供養誦此惣持一洛又用五鐵爲劍安向塔前復誦惣持一洛又加持於劍加持劍已即以右手執劍得如意通變化自在有大威勢增

壽無量能爲一切衆生作於禍福

復次作法如前用金剛杵輪三股叉等皆得成就獲前殊勝無量功德此大惣持是一切如來心甚爲希有如前所作必得成就若復有人於此一切如來烏瑟臘沙最勝惣持法門每日三時持誦二十一編獻供養已忘心

受持爲他解說令彼有情得大快樂長壽無病具大智慧得宿命通彼人命終如蛇蛻皮即得往生極樂佛刹獲大果報耳亦不聞地獄等聲何況生彼佛說此經已一切世間天人阿脩羅乾闥婆等聞佛所說皆大歡喜信受奉行

佛說一切如來烏瑟臘沙最勝惣持經

菩提心觀釋

宋三藏法師法天譯

歸命本師大覺世尊我今略釋菩提心觀如佛所說從心生一切法我今當議彼菩提

心云何性答離一切性云何一切性謂蘊處界等性彼菩提心離取捨故則法無我自性平等本來不生自性空故所言一切性者是我等性謂我人衆生壽者補特伽羅摩擎囉迦等性而彼等性非菩提心於意云何謂彼我等而於自性離一切相中而生我見從我

見生一切煩惱此不生彼心或言蘊處界等亦離取捨謂蘊處界等性真實理不可得故云何色相等無實謂色蘊四大合成故四大者即地水火風界復生五色謂色聲香味觸彼地大等及五色等一一各自性不可得如是諸法皆然是故知色名虛假由此知色蘊

空譬如因樹有影樹滅影亡色蘊如是受蘊亦然云何名受受有三種謂苦受樂受非苦樂受而此三受互相因緣復有二種謂身受意受身色蘊攝身不可得故若無身即無受亦不可言亦不可說非短非長非色非相無實無著不可知故身受如是意受亦然受蘊

如是見受蘊空想蘊亦虛假不實緣慮所攝而彼緣慮不可得故即非緣慮非緣慮故見想蘊空想蘊如是行蘊亦然心所造作善意記念等行無所有故彼心法所生色等蘊一無所生是故知行蘊業相不實亦無主宰即見行蘊空行蘊如是識蘊亦然乃至眼耳

鼻舌身意彼眼識等一一自性皆不可得彼眼緣有色從緣生識無緣即不生識而此眼色及彼色蘊等無分齊此分別眼色即非眼色識無所生眼識如是耳鼻舌身意亦然如是知此識依止摩曩識由依止摩曩識故即發生過去未來見在法故云何過去未來見

在法謂過去已滅未來未生見在不住由是知識蘊空如是一一說蘊處界各各分別自性皆空彼非無性即真實句喻無種子不生芽莖是故說彼蘊處界等亦離取捨云何菩提心無取無捨如佛所說告秘密主彼菩提心如來應正覺了知彼心非青非黃非赤非

白非紅色非頤底迦色非短非長非圓非方  
非明非暗非女非男非黃門等又秘密主菩  
提心非欲界性非色界性非天性非夜又非  
乾闥婆非阿脩羅非人非非人等性乃至一  
切智求亦不可得如是取心非有云何言有  
捨故又如佛說告秘密主菩提心非內非外

十三末

非中間不可得故於意云何以自性寂靜故  
又秘密主彼菩提心一切智求不可得云何  
得取捨如是於法得離取捨平等無我如一  
切法無我亦然如佛所說菩提心亦然一切  
法空無相無我諸法寂靜無寂靜相心本平  
等本來不生亦非不生復云何性答曰空性

實觀已然後發起方便觀於衆生知諸衆生  
於自覺性不如實知起於疑惑顛倒執著受  
於種種輪迴大苦我由此故起大悲心令諸  
衆生於自心法如實證覺是即名爲菩提心  
是名利益心安樂心最上心法界善覺心以  
如是智攝諸衆生故名菩提心發此心故所  
獲福德亦如虛空無有邊際其功德海亦復  
無量雖復劫盡功德無盡如是名爲發一切  
智根本最上菩提心

### 菩提心觀釋

卷

三

空云何性謂如虛空故如佛所說虛空之性  
空無喻故菩提之心亦復如是菩提之名非  
性非尤無生無滅非覺非無覺若如是了知  
是名菩提心又如佛說告秘密主於自本心  
如實了知於無有法亦不可得是故名阿耨  
多羅三藐三菩提又告秘密主當於自心如